

# Pediatrics

- ▶ دوام لمدة شهرين كلهم بكونو بالجامعة
- ▶ قسم الاطفال بشبه قسم الباطني من ناحية التقسيمات يعني فيه cardio و RS و endocrine و nephro و GI و زيادة عليهم neuro اضافة لدوام ال general هاد الدوام لازم يطلع لكل قروب من القروبات مرة وحدة على الاقل وممكن يطلع مرتين
- ▶ شو فرق الدوامات الباقية عن دوام الجينيرال ، دوام الجينيرال بتداومو فيه اسبوعين كل يوم مع اخصائي من خارج الجامعة وبتكررو الاخصائية خلال الاسبوعين ، دوام مفيد جداً وبتتعلمو فيه معظم مادة الاطفال اللي بتشبه كثير الباطني في محتواها اما باقي الداوامات فكل حد هو وحظه بطلعه جزء منهم كل روتيشن فيهم مدتها اسبوعين بتظلو مداومين مع نفس الاخصائي ومقيمينه سواء بالراندات او بالعيادات وطبعا كل اخصائي اله اسلوبه بس اغلبهم بحب تكونو ماخذين هيستوري من مرضاه ع اساس تناقشوه مع بعضكم خصوصا بالراندات

▶ طبعا توزيعات القروبات بخبركم فيها الدكتور فريد خضير هو المسؤول عن الطلاب بقسم الاطفال عنا ، اول يوم بالروتيشن بمحاضرة ال ٨ بإحد قاعات الطبية بخبروكم فيها ببوست ع قروب الدفعة قبل بيوم من الدوام بفهمكم فيها الدوام وبعطيكم الجداول

▶ بدوام الاطفال في محاضرة شبه يومية ع ال ٨ بإحدى قاعات الطبية ومحاضرة ع ال ١ بمدرج المستشفى وفي ايام بكون اصلا ما فيها محاضرات صباحية او مسائية او مرات الثنتين وكله بكون محطوط ع الجدول اللي بتوخذوه بأول يوم

▶ الدوام مقسم راوندات و عيادات وفي بدوام الجينيرال بكون في يوم واحد دوام بال nursery اللي هي غرفة فحص المواليد الجدد ، بتتعلمو فيها كيف تفحصو المواليد الجدد وشو الاشياء اللي طبيعي تشوفوها ع الطفل ، لطيف جدا وبتتعلموه بسرعة

▶ عيادات الاطفال موجودة بطابق ١ - بمبنى العيادات والراوندات ع الطابقين السابع والثامن بمبنى المستشفى

▶ هيستوري الاطفال شبيه جدا بأي هيستوري اخذتوه بالباطني بس كم في شغلة زيادة الهم دخل بس بالاطفال بتتعلموهم من اول كم هيستوري بتوخذوهم

▶ طبعا مادة الأطفال من المواد الضخمة بخامسة ، المادة طويلة وبتؤخذ وقت لذلك كل ما درستو منها اكثر وانتو مداومينها كل ما ربحتم لبعدين ، مقسمة سستيمات زي الباطني تماما بس في قسمين خاصين بالأطفال وهذول اهم قسمين تدرسوهم اول بأول اللي هم **general pediatrics** و **neonatology**

▶ باقي السستيمات شبيهة بمادة الباطني منها ال  
**GI,endo,cardio,nephro,RS,Infectious,neuro,  
hemato,rheumato**

▶ طبعاً الشهرين اللين بتداومو فيهم الاطفال و اذا بتدرسو اول بأول بتقطعو جزء منى من الماده بس لازم تراعو انه خلال دوامكم بروتيشن معين بالاطفال مش لازم تظلو طول الروتيشن تدرسو بس السستم اللين مداومينه يعني اذا مداوم اندوكراين مثلاً ، ما تظل طول الاسبوعين تدرس اندو ، خلص الاندو ودخل معه مواضيع من سستمات ثانية ما رح تداومها خلال الشهرين ، هيك ممكن تلحق تقطع جزء من الماده وترتاح منها بعدين .

▶ بالنسبة لمصادر دراسة مادة الأطفال:

- ▶ في عنا خيارين دوسيات او كتاب ، الاغلب بدرس دوسيات لانه اغلبها عبارة عن المعلومات الموجودة بكتاب الاطفال المعتمد من قبل القسم
- ▶ هم دوسيتين وحجمهم كبير نوعا ما ، كل وحدة فيهم فيها عدد من السستيمات
- ▶ اما الكتاب المطلوب هو **nilson**
- ▶ برضو كتابة نوتس مع الدكاترة خلال السيمينارات اشى مفيد وبساعد بتثبيت المعلومات عندكم

▶ وطبعاً ما ننسى الـ **past papers** كمصدر مهم للدراسة ، بحيث انه هي افضل اشئ للـ **orientation** وانك تعرف كيف تدرس المادة الطريقة المقترحة للدراسة بكل اشئ بسنة خامسة هي انك تشوف باست بيبر المادة اول وتشوف ع ايش بركزو وكيف بتيجي الاسئلة ع المواضيع بعدين تبلىش تدرس بناءً ع اللي شفته بالباست بيبر

▶ الآن الدوسيات هاي و لينكات الكتب اللي حكيينا عنهم والباست بيبر وبرضو نوات ممكن تفيد بدراسة المادة كتبوها زملائنا بتلاقوها كلها بهاد اللينك

<https://juclinical.com/pediatrics/>



- ▶ نيجي للامتحانات :
- ▶ عنا اوسكي بنهاية الروتيشن ، غالبا بكون 3 stations ثنتين هيستوري ووحدة فيزيكال ، وبكون في check list مع الممتحن وحسب ما بتحكو بنحطلكم علامات
- ▶ و في مواضيع معينة بتتكرر بالاوسكيات هي اللي مهم تكونو دارسينها وحافظينها منيح ، علما انهم ممكن يجيبو اي موضوع ضمن المادة

- ▶ امتحان الفاينل يكون برضو بكل المادة اللي انتو اصلا درستوها للاوسكي اضافة لكل المواضيع اللي ما لحقتو تدرسوها بنهاية الروتيشن
- ▶ مهم تشوفو باست بيبر مشان تعرفو كيف تدرسو المادة
- ▶ امتحان الاوسكي عليه ٣٠ علامة وتقييمات الدوام بالنهاية بتتحول من ٢٠ و امتحان الفاينل من ٥٠
- ▶ الافريج فيها ع الاغلب يكون عالي وال A بالسنتين الماضيين لحقت ٨٢ وفوق